

5. november 2013

UKA 2013/89
Evelyn Frederiksen

Naalackersuisut pisortat pisiortorneranni inatsisitigut, teknik-ikkut aammalu niuernerpalaarneq eqqarsaatigalugu neqeroortitsinermi atorneqartartussamik inatsisisatut siunnersuummik saqqummiussinissamut pisussaaffilerneqarnissaannik Inatsisartut aalajangiussassaattut siunnersuut. Inatsisissatut siunnersuutip qulakkiisavaa pisiffigisat assigiimmik pineqarnissaat, neqerooruteqartitsinermi pisiffissat toqqarneqarneranni sinaakktissat ersarissuunissaat aammalu neqerooruteqartoqartillugu maalaaruteqarfiusinnaasumik pilersitsisoqarnissaa. Inatsisissatut siunnersuummi aamma pisiffissat toqqarneqarneranni inuiaqatigiit aningaasaqarnerat tamakkiinerusumik qanoq isiginiarneqartassanersut pillugit maleruagassiortoqarnissaa ilaatinneqassaaq.

(Inatsisartunut ilaasortaq Naaja Nathanielsen, Inuit Ataqatigiit)

Inuit Ataqatigiinnit Inatsisartuni ilaasortap Naaja Nathanielsen aaliangiiffigisassatut siunnersuutaa Siumumit ima oqaaseqarfigissavarpur.

Siunnersuuteqartup siunnersuutaa tunngavimmigut pitsaaquteqarpoq, kajallaasitamik sukaterinissamut periarfissiissammat, suliarli pillugu Naalackersuisut massakkt suliaqarput, assigiinngitsutigut eqqumaffigisariaqartunik aaqqiissuteqarfigisariaqartunillu eqqummaarilutik aaqqiissuusseqqinnermikkut, soorlu ilaatigut makku Naalackersuisut akissutaani ersersinneqartut.

Susassaqarfinnut kaajallaatitami ilaatinneqanngitsunut, kisiannili ima aningaasartaqartigippata, allaat unammilleqatigiinnissaq anguniarlugu neqeroortitsiffiusariaqartunut, atatilugu pisiortornermi piumasaqaasiornissaq najoqqutassiornissarlu.

Nioqqutissat amerlanerusut ilanngunneqarnissaat isumaliutigineqarpoq.

Assigiimmik, ammasumik naapertuilluartumillu periuseqarnissaq pillugu EU-mut isumaqatigiissut naapertorlugu periutsinik tunngaviusunik qulakkeerinissaq.

Suliariumannittussarsiuussinermi periutsit amerlanerusut aallaavigineqartassanersut isumaliutigineqarpoq.

Tassa kaajallaasitaq massakut atuuttoq nutateneqalerpoq, tamannalu piviusunngortinneqassasoq Namminersorlutik Oqartussat pisiortortanerat Pisortornermut Qitiusumik Ingerlatsivik aqqutigalugu ataqatigiissarneqassalluni.

Taamatut naatsumik oqaaseqarluta Siumumit siunnersuut itigartipparput.